



C'houi, sant patron euz an envou
A glev breman hor pedennou ;
Hogen ouzoc'h reomp eur goulen,
Hon diwallit euz pep-terzien !

Dreist-holl terzien ar gwall dechou,
A goll kement a eneou :
Lorc'h, pizder, luksur, gwarizi,
Gourmandiz, koler, diegi.

Euz bar an env, o sant patron,
Goulennit deomp holl nerz-kalon,
Ma valeimp var ho roudou,
Ma kerzimp varzu an envou.

En amzer drist a ren, dreist-holl,
Emaomp en riskl da vont da goll :
Pedit vidomp 'ta, sant Melar,
Tre ma vezimp var an douar.

Ha pa vimp eet d'ar baradoz
Ganehoc'h, sant patron, da repoz,
Ni a gano gant levenez :
Dehoc'h ha da Zoue trugarez !

Imprimatur :

Corisopiti, 31 Augusti 1907.

A. GADON,
V. g.

Kemper, e ti J. Salaun.

KANTIK DA ZANT MELAR

Ps : *Enil benn sant leunen*

Ton : *Iliz Plouzeniel*, pe ton all anavezet.

DISKAN :

1 } Kanomp, kanomp a greiz kalon *He he maig maig maig*
Eur chantik nevez d'hor patron. *Pa Silenion, sant Melar,*
Rag evidomp eo eun dudi, *Ma vimp var ho roudou*
O sant Melar, dont d'ho meuli. *He kerzimp varzu an douar!*

2 } Gant sant Millo hag he bried
En doujans Doue oe savet,
Ha d'he zeiz vloaz dre Vreiz-Izel
Oa dija karet ar bugel.

Neuze Rivod, prins digalon,
A laz Millo 'vit kaout he dron ;
Med daoust ma 'z eo hen ar c'hrenva
He niz 'ra dezhan c'hoaz krena.

Hep truez neuze ouz he niz
E ra eun eil torfed iskiz,
Ha dre ar poezon 'fell dezhan
Dont a benn da genta outhan.

Ar bugel a zo diwallet
Dre nerz sin ar groaz venniget :
Prins diwirion, eneb Doue
Dic'halloud eo nerz eur roue !

Gouskoude c'hoaz ar warizi
Hag ar c'hoant braz da gomandi,
A ra da Rivod klask lemmel
He vuez digant ar bugel.

Med diganthen he vuntrerien
A zilamm daou ezel hepken,
En envor d'ar prins mad Millo
'Oa ken karet ebarz er vro.

Var varc'h n'hello ket 'ta monet
D'an dachen gant he Vretoned,
Ha morse he zorn ne zougo
Goalen-roue ar prins Millo.

Setu sonj fallakr ar muntre,
Mac'haniet ganthen ar merzer ;
Med dre vuzud Doue a ro
D'hor zant he zaou ezel en dro.

Ar bourreo kriz p'hen deuz *gouezet*
An eil burzud 'zo c'hoarvezet,
A dou (tra spontuz da glevet !)
'Renk he niz beza dibennet.

Kioltan dre avaristed
Didruez hag heb aon ebed,
A heuil ar bugel kalonek
Beteg kouent Landevennek.

En kreiz an noz euz ar gouent'
Melar 'ia adarre en hent,
Ha dre Geraez e tremen
'N eur dec'het varzu Koadeuen.

Penoz e tigorit ho tor
D'an drubarded, o kont Komor,
D'an drubarded a deu hep mar
Da glask buez ho niz Melar ?

Diwallit na ve touellet
Ar bugel, dre gomizou flouret
Gant tud digalon ha divez
Ne glaskont 'med kaout he vuez !

Ar prins iaouank, eun ha leal,
Ho c'hred re vuan didamall,
Ha d'ho heul a gerz da repoz
'Vit dihuna er baradoz.

'Velse d'an oad a bemzek vla,
Dre eun torfed an heuzusa,
Hor zant patron heb difennour
A zo lazet gant daou dreitour.

Dirag eun torfed ken iskiz,
Lanneuriz ha Lokmeariz,
Ha ne dommfe ket hor c'halon
A garantez 'vit hor patron ?

Kioltan hag he vab Justin
A dec'h a fo 'rog ar mintin,
'Vit kaout ar priz m'ho deuz gwerzet
Goad Melarik ho deuz lazet.

Neuze Doue ive a sko :
Justin er porz a gouez maro !
Kioltan avad zo tec'het
'Vit profita euz he dorfed.

Siouaz ! pell ne dec'her morse
Arog brec'h gallouduz Doue :
Kioltan a goll ar gweled,
Ha dirag Doue 'zo galvet !

Rivod he-unan heb dale
'Renk renta kont euz he vue :
Tri deiz goude he genseurted
Gant justis Doue eo skoet !